



Ko te paketi koloa a Tokelau e foliga mai e fakaaauu lava te taugofie ite tulaga e fano ai

Fakahahalauga Fakamua: Ofiha o Fuainumela ma Fakamaumauga o Tokelau, 31 Oketopa 2016

E fakaaauu pea lava te agai ki luga o te tau o te olaga i Tokelau, e ve ona iei ai he mahalomia o te tokalahiga o tagata? E he ko te tulaga tena kafai koe e kikila totoka ki te fua aloakia o te hikitagā o te tau ona koloa i te kuata tenei, kua agai pea lava ki lalo i te fa o kuata tenei.

Ko te numela tukufakatahi o te tau ona koloa o Tokelau e fakaaali mai ai he paku mai te 0.8 pahene mo te kuata o Hetema 2016. Kua tuku atu aloaki na ikuga ienei e te Ofiha o Fuainumela ma Fakamaumauga o Tokelau ite aho nei.

Ko te numela tukufakatahi e fua ai te tau ona koloa e (CPI) e fakatau e na kaiga ina falekoloa o na nuku takitahi o Tokelau. E aofia ai foki na tautuaga e veia ko te eletihe, fehokotakiga ma femalaagakiga.

I te kuata tona tolu tenei o te tauhaga, ko na tau na paku mo na meakai fakapitoa ienei veia ko te kakano mamoe, alaiha ma na pateta. Ko te tau ona pepa huhu na paku ite 20 pahene, ko na pia na paku ite 19 pahene, ona ai kote huiga ihe tauvaaga ki te itukaiga pia kua maua; kako te tau ona penihini na hiki ite 14 pahene.

I te kuata tauhaga kia Hetema 2016, ko te numela tukufakatahi o te tau ona koloa e fakaaoga e tagata na paku i te 2.4 pahene, fakatuhatuha ki te 0.6 pahene na paku ai foki i te tauhaga kia Luni 2016.

Ko na kulupu ienei na fai hao ki te paku mo te tauhaga tenei ko na Meafale, ma te tulaga fakaaauu o na mea e toe fakaleleia ai na fale (paku i te 11 pahene), Meakai ma na mainu e heai he avamalohi i ei (paku i te 5.4 pahene), Fale, vai, eletihe, keehi ma ietahi huaū (paku i te 1.4 pahene) ma ietahi koloa ma ietahi tautuaga (paku i te 0.8 pahene).

Ko te kulupu oiote tenei o te Avamalohi ma te hikaleti (1.8 pahene) na hiki ona ai ko te tau ona hikaleti na hiki i te 6.8 pahene i te tauhaga.

Ko na kulupu tukufakatahi fakateva-o-malo ienei e fakaaoga mo te numela tukufakatahi ke fakaititia ai te iei ohe afainaga i te tahuhiui o na tau ona koloa fakapitoa takitahi; ko na vaega ienei e fua ke kitea ai te ata hako e iei ai na tautuaga e fakaaogagia ai na koloa ienei i loto o Tokelau.

Ko na fakamatalaga katoa kua fakahalalau agai ki te numela o te tau ona koloa e fakaaoga e tagata Tokelau, fakatahi ai ma na kalafa, puha ma na fakamatalaga fakapitoa, e maua i te <http://TokelauNSO.tk>

Ko Tokelau ko te tahi atunuku pito hili ia o te lalolagi e tu kehe mamao i tona tulaga i te fafanua o te lalolagi, ma ko he nofoaga e nonofo mau ai te toka 1,400 o tagata. Ko Tokelau e fakaaoga e ia te tupe Niu Hila; ko na koloa e lahi fakatau atu mai Hamoa.

Mo ni ietahi fakamatalaga agai ki te fakahalalaua fakafehotaki:

Mafa Mativa

Ofiha Faufautua mo Fuainumela ma Fakamaumauga

Ofiha o Fuainumela ma Fakamaumauga, Apia, Hamoa

Telefoni +685 7741778, Email: mafa.mativa@tokelau.org.nz